



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

**Briet, Philippe**

**Parisiis, 1649**

§. 3. De Populis Achaiaë, seu Hellaladis.

**urn:nbn:de:hbz:466:1-13167**

à Sunio Promontorio, ad Anthedonem, quæ reuocata ad magnum circulum ex eodem dat 750. stadia. *Longitudo* desumitur apud eundem à Cynosurâ Promontorio ad Argos Amphiloichicum, quæ distantia dat 4. gradus maioris circuli cum dimidio, ac proinde secundùm eius principia reddit 2250. stadia.

QUALITAS ex sequentibus intelligetur.

§. 3. De populis Achaia, seu Helladis.

NUM. I. De Atheniensibus & Atticâ.

NOMEN. Priùs Attica dicta est *Ionìa* ab Ionibus, qui pulsi ab Achæis, fugatis per Heraclidas ex Peloponneso, iunxere se Atheniensibus, quos iam affinitate contingebant. Vocata quoque est *Attica* ab Actæone, *Mopsopia* à Moplopo, *Cecropia* à Cecrope Rege (à quo & Athenienses Cecropidæ) *Ogygia* ab Ogyge, denique ab Atthide Craneifilia *Atthis*, & *Attica*.

QUALITAS. Regio sterilior fuit, & petrosa, hinc à Pindaro *καταρσία* dicitur, ab eius interprete *καταρσιος*, & *πετρώδης*. Vnde factum est vt ab exteris non fuerint pulli indigenæ. Abundabat tamen Melle quod Hymettium dicebant, à monte Hymetto. Hic quoque olea inuenta perhibetur: certè oleum Atticum celebratissimum est. Ficus Atticas quis ignorat, à quibus dicti Sycophantæ, qui prouidebant ne exportarentur. Hic quoque panis candidissimus celebratur ab Athenæo.

MORES. Cicadas aureas in capite gestabant, vt ostenderent se Regionis suæ *αὐτόχθονας*, & *μηχανῆς*. Litteras magnificere, quare Attica dicta *τῶν σοφῶν οἰκιστῆριον*. Optimè & eleganter loquebantur Athenienses, vnde *Paræmia*, *Atticus lepos*. Excellentissimi fuere *Naucleri*, ideóque mari potiti sunt. Mortuos suos ferè sepeliebant, aliquando tamen comburebant. Sepeliebant olim in vrbe in propriis domibus, postea extra urbem ad viam Ceramicam, quâ itur ad Academiam. Excellentissimi fuere Musici. Ditissimi fuere, & deliciis circumfluebant ob Imperium maris. Reliqua de moribus ex Iulio Polluce, & Plutarcho in Solone repetes.

POLITIA. Habuit primùm Reges Attica, deinde perpetuos Archontes, postea Decennales, denique Annuos. Democraticus hîc viguit status propositus à Solone in 4. ordines distributus ex

cenſu. Oſtraciſmus ab Athenienſibus excogitatus, virtutis perniciēs, quo exulabat qui maximè retineri in vrbe debuerat: nomen habuit ab Oſtreis in quibus nomina optimi cuiuſque, atque excellentiſſimi deſcribebantur. Areopagitæ hîc iudicabant in foro, vel colle Martis (Areopagum dicebant) homines integerrimi, fucatæ orationis, & artiſicioſæ hoſtes. Cùm diu Mari potiti eſſent, à Lyſandro deuicti ſunt: atque ab eo tempore plura eis conſeſſa ſunt à Principibus propter celebritatem gentis, quàm fortitudinem.

N V M. 2. *Megarıs, & Megarenſes.*

NOMEN. Fuit Megaris pars Atticæ, vt ex Plinio liquet, priuſque *Niſea* dicta eſt, & incolæ Niſæi à Niſo Pandionis filio, vno ex 4. cui pater Regionem hanc reliquit, à quo Niſa ciuitas condita eſt, quæ poſtea Megaris nominata eſt.

QUALITAS. Tota hæc Regio aſperior fuit, atque Atticæ planè ſimilis.

MORES. Megarenſes aliquid de moribus Athenienſium, & Corinthiorum referebant ob Conuenas vtriuſque gentis. Olim fuere ditiffimi, verùm ſeditiones ad vltimam inopiam eos redegere.

POLITIA. Olim Attici iuris fuit: poſtea Niſum habuere Regem: exinde Democraſticus ſtatus in eam irrepiſit, cui ſucceſſit Oligarchicus, oppreſſus ſæpe ab Athenienſibus: tandem Romanis ſubditi, communem cum Græcis omnibus ſeruiere ſeruitutem.

N V M. 3. *Bæotia, Bæoti, & Thebani.*

NOMEN. Dicta eſt olim *Aonia* ab Aone Rege filio Neptuni, vel vt alij malunt à Monte, aut à populis Aonibus. *Bæotia* autem vocata eſt, vel à Bæoto Neptuni filio qui ſic dictus eſt, quia primùm natus Boum ſimo oblitus eſt à matre, vel certè nomen accepit à Boue, qui Cadmo dux extitit. Legitur quoque dicta *Meſſapia*, *Ogygia*, & *Cadmeis* à Ducibus variis.

QUALITAS. Regio hæc fertiliffima fuit, ſed aère & cælo paulò craſſiore yſa, vnde incolæ ſtolidi credebantur, *Bæotum in patria, craſſoque ſub aère nati*. Multæ hîc cauernæ, atque ſpecus, quare terræ moribus frequenter concutiebat.

MORES. Oderant literas Bæotij: vino deditiffimi erant, ſacrificiis & ſuperſtitionibus addictiffimi. Apud eos nefas erat infantes

exponere, sed Magistratui offerebantur, à quo ut ciuesalebantur. Bellicosissimi fuere, quare per Thebanos Græciæ dominati sunt. Dicti sunt *Cancers* à Lycophrone, quia navigationibus sua corpora indurabant, & *Sisfernodibæ* quòd pelle detrita, & depili uterentur. Funditores excellentissimos fuisse docet Tzetzes in Lycophronem, vbi eadem de iis asserit quæ de Balearibus scribuntur. Apud eos qui soluendo non erat, & decoxerat, rapiebatur in forum cophino tectus, atque deinceps infamis habebatur, quod contigisse ferunt Euripidis patri. Hic de Thebanis, Thepiensibus, Orchomeniis si aliquid tantum delibarem, supra modum hoc opus excreferet.

N V M. 4. *Phocis, & Phocenses.*

NOMEN accepit *Phocis* à Phoco quodam, de quo Grammatici digladiantur, eorum rixas apud Gerbelium perleges, si otiosus eris. Distingues autem hic accuratè Phocenses, & Phocæenses, hi enim ex Phocæâ Ionix vrbe profecti Massiliam in Galliâ condidere, illi in Achaia vixere.

QUALITAS. Terra hic opima est, sationi, gregibus, & armentis peropportuna, inquit Pausanias. Eius tritici meminit Theophrastus. Angustiis quibusdam regio munita fuit, sed demum Locri hanc sibi partem vindicarunt.

MORES. Callidissimi fuere Phocenses, & diu piraticam exercuere, vsi primùm (ut aiunt) longis nauibus. Delphici pueri ex matribus nobilitatem trahebant, non ex patribus.

POLITIA. Deucalion hic olim regnavit; successit status Oligarchicus. Quid autem mali passi sint Phocenses ex occasione belli sacri quod gessit Philippus, ex Pausaniâ in Phocicis edisces. Huic bello occasionem dedit direptio templi Delphici auctore Philomelo.

N V M. 5. *Locri.*

NOMEN habent Locri à quodam *Locro*, Heroe cuius filius Opus fuit, ut aiunt Homeri Scholiastes, & Eustathius. Cognomina autem quatuor habuere, quidam enim dicti *Ozole*, alij *Epicnemidij*, quidam *Opuntij*, nonnulli *Epizephyrij*: hi in Italiam translati sunt ad Promontorium Zephyrium. *Ozole* aliter *Hesperij* nun-

D d d ij

cupati sunt, quoniam in Occidentem extenduntur, ideóque in sigillo stellam Hesperum præferebant: dicti sunt verò *Ozole* quasi *Olentes*, vel à fluuio in quem defluxit sanies centauri Nessi ab Hercule vulnerati, vel à Pythone serpente qui hîc computruit, vel ab herbâ graueolenti, vel à tumulo Nessi, vnde *Tabes* perpetua defluit, vel à florum flagrantia, vel quod probabilius à vestibus; utebantur enim pellibus ἀβυσσώντις non *curroies*, neque lanâ vt cæteri Græci, sed corio tegebantur. *Epicnemidj* parentes *Ozolarum* erant, ita nuncupati à *Cnemide* oppido. *Opuntj* dicti sunt ab vrbe *Opunte* Patrocli patriâ; & hîc *Abantes* populos *Pausanias* collocat.

**QUALITAS.** *Ozolarum* ditio satis fertilis, reliquorum ager asperior, & montibus interscisus.

**MORES & POLITIA.** Decorum vestibus, & odore iam satis multa. Turpiter admodum se amabant, & ea sceditas lege compescenda fuit, inquit *Max. Tyrius*. Communes habebant vxores, *Athenæus*. Mortuorum funera conuiuui celebrabant; item apud eos fur excæbatur, *Heraclides*. Si æger medico prohibente vinum bibisset, & conualuisset morte multabatur, *Ælianus in variis lib. 2. cap. 37.* Colebant *Mineruam Zosteriam*: sic dictam à *Zonis* ex quibus gladios appendebant.

#### N V M. 6. *Ætolia, & Ætoli.*

**NOMEN.** Olim *Ætolia Curetis* dicebatur, & *Hyantis*, postea *Ætolia*, ab *Ætolo* filio *Endymionis*, qui ob eadem fugit ab *Elide*, & eò veniens *Curetas* expulit.

**QUALITAS.** Versus mare sterilior erat, in Septentrionem fertilis, inquit *Strabo* lib. 10.

**MORES.** *Liuius* lib. 36. describit *Ætolos*, superbos, vanissimos, beneficiorum immemores, sed bellicosos, quod & innunt epitheta *μενεχάρμωι* Homero, in bello *prompti*, *σπλαγχνόροι* *Clipeati* Euripidi. Vno pede calceati præliabantur, quare *μονοκρήπιδες* dicti. *Maximus Tyrius* eos prædatores inducit, *Strabo* Piratas, qui & eos fundæ auctores facit. Magnificos & semper obæratos eos describit *Athenæus*.

**POLITIA.** Habuit olim Reges suos *Ætolia*, quorum celeberrimi in fabulis *Oeneus*, & eius filius *Meleager* *Atalantæ* sponsus,

cuius causâ multa bella Caledonios inter, & Pleuronios enata sunt. Deinde Reip. speciem sibi informarunt, diuque regibus Macedoniæ satis animosè restiterunt, videntes suo Concilio quod *Panætolium* dicebant. Sed cum Romanos contempserint à Fulvio Nobiliore domiti, potentiam & animos truces deposuerunt.

N V M. 7. *Doris, & Dore.*

NOMEN. *Doris* à Doro Hellenis filio nomen accepit, vel ut alij malunt filio Deucalionis, quem pater vnà cum aliis filiis emisit ad nouas regiones occupandas, vno tantum secum retento. Hic autem Dorus ad Parnassum montem confidens incolas eius Dore appellauit.

QUALITAS. Regio hæc tota asperior, & montibus interscisa. MORES. Linguâ elegantissimâ vsi sunt, & quæ sola lyra harmoniam temperaret. Bellicosi fuere, atque in galeâ tulere setas equinas, ut viderentur magis terribiles, quare *τετραδεις* ab Homero dicti, non à tribus vrbibus. Musicæ supra reliquos Græcos additi fuere.

POLITIA. Colonias in varia loca sparserunt, Calcedonem in ore Ponti, vbi & cæci dicti sunt quod deteriore locum elegerint. In Sicilia Syracusas condidere, ut vult *interpres Pindari*, & vrbes ibidem aliquot. Dyrhachium quoque incoluisse tradit lib. 1. Thucydides.

§. 4. *De Peloponneso in genere.*

NOMEN. *Ægyalia* olim dicta fuit hæc regio ab *Ægyalo* Inachi filio; postea *Ionia* ab Atheniensibus qui eam occuparunt: tum *Apia* ab Apide Rege ut vult *Pausanias*, vel ut *Athenæus* lib. 4. à Pirorum prouentu; quamquam *interpres Theocriti* malit *Pira* dici *ἀπὶ πύργου*; ab ea regione. Demum Pelops ex Phrygiâ huc delatus Peloponnesum nominauit, quasi *Πέλοπος νῆσος*. Stephanus ait quoque Inachiam dictam esse: Homerus Argos videtur nominare, vel ab vrbe nobili, vel ab Argo custode Inus vaccæ, ut ait *interpres Euripidis*. *Strabo* quoque ex Ephoro tradit dictam esse *Pelafgiam*; vtrum autem dicta sit Pelafgicum Argos, an sola Laconia, discussum leges apud Gerbelium.